



Stavovčić
Preuzela Japrić S.

Broj: JN1-1-4-16-6-27-9/23
Banja Luka, 16. oktobar 2023. godine

Na osnovu člana 61. stav (2) Zakona o upravi („Službeni glasnik BiH“, br. 32/2, 102/09 i 72/17), čl. 70. st. (1), (3) i (6) i 88. Zakona o javnim nabavkama („Službeni glasnik BiH“, br. 39/14 i 59/22), na prijedlog Komisije za sprovođenje postupka nabavke materijala i usluga održavanja vozila, generalni direktor Direkcije za civilno vazduhoplovstvo Bosne i Hercegovine donosi

ODLUKU
O
IZBORU NAJPOVOLJNIJEG PONUĐAČA
ZA NABAVKU MATERIJALA I USLUGA ODRŽAVANJA VOZILA

I

Za najpovoljniju ponudu u konkurentskom zahtjevu za nabavku materijala i usluga održavanja vozila, pokrenutom Odlukom o nabavci, broj: JN1-1-4-16-6-27-2/23 od 6.9.2023. godine, izabrana je ponuda ponuđača „**GUMA M**“ d.o.o. **Mostar**, sa cijenom u iznosu od 37.699,88 KM bez PDV-a.

II

Ugovorni organ će pozvati izabranog ponuđača iz člana 1. ove odluke radi zaključenja Okvirnog sporazuma i Ugovora kojim će se regulisati međusobna prava i obaveze u vezi sa predmetnom nabavkom, a u skladu sa zahtjevima i uslovima Ugovornog organa navedenim u Tenderskoj dokumentaciji i Zakonom o obligacionim odnosima u Bosni i Hercegovini.

III

Ova odluka stupa na snagu danom donošenja i u skladu sa članom 70. stav (6) Zakona o javnim nabavkama objaviće se na web stranici Direkcije za civilno vazduhoplovstvo Bosne i Hercegovine (bhdca.gov.ba) i to istovremeno sa upućivanjem ponuđačima koji su učestvovali u postupku javne nabavke.

Obrazloženje

Na osnovu Odluke o nabavci materijala i usluga održavanja vozila za potrebe Direkcije za civilno vazduhoplovstvo Bosne i Hercegovine, broj: JN1-1-4-16-6-27-2/23 od 6.9.2023. godine, Obavještenja o nabavci objavljenog na portalu E-nabavke, broj: 3-7-1-21-3-24/23, od 2.10.2023. godine, pokrenut je konkurentski zahtjev za dostavljanje ponuda uz obaveznu primjenu e-aukcije i zaključivanjem okvirnog sporazuma sa jednim izabranim ponuđačem na period od tri godine.

Rok za podnošenje ponuda bio je 16.10.2023. godine do 11:00 časova, a javno otvaranje ponuda je obavljeno 16.10.2023. godine u 11:15 časova.

Shodno Zapisniku o otvaranja ponuda, Komisija je utvrdila da se za postupak javne nabavke prijavio samo jedan ponuđač, i to „**GUMA M**“ **d.o.o. Mostar**

Prilikom pregleda i ocjene ponuda Komisija je utvrdila da je ponuđač dostavio sve dokumente tražene tenderskom dokumentacijom.

U postupku javne nabavke bilo je predviđeno pokretanje E-aukcije. S obzirom da je pristigla samo jedna ponuda, E-aukcija se neće zakazivati, u skladu sa članom 3. stav (3) Pravilnika o uslovima i načinu korišćenja E-aukcije, nego će se postupak okončati u skladu sa članom 69. Zakona o javnim nabavkama.

U skladu sa navedenim, a nakon pregleda i ocjene ponuda, Komisija je predložila da se Ugovor, u skladu sa kriterijumom najniže cijene ponude, dodijeli ponuđaču „**GUMA M**“ **d.o.o. Mostar**.

Imajuću u vidu sve navedeno, odlučeno je kao u dispozitivu.

Pouka o pravnom lijeku: Ukoliko ponuđač smatra da je Ugovorni organ u toku postupka dodjele ugovora izvršio povrede Zakona o javnim nabavkama ili podzakonskih akata, ima pravo da pokrene žalbeni postupak najkasnije u roku od 10 dana od dana prijema Odluke o izboru najpovoljnijeg ponuđača.

Žalba se podnosi ugovornom organu, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostavljeno:

- Ponuđaču,
- F/AD,
- a/a.

